



Angerlamut tikilluarit

***– Illuut-ip inissiaatai pillugit
paasissutissat***

Indhold

- 3 Tikilluarit**
- 4 Sumiiffiit ataatsimoorussat**
- 5 Inissiani nipiliorneq**
 - Biilit innaallagiamoortut
- 6 Uumasuutit**
 - Allagartalersuineq
 - Eqqakkat
- 7 TV**
 - Antennit
 - Pequusivik
- 8 Meeqqanut isumannaarutit**
 - Paarnaarsaatit
- 9 Igalaat aamma matut**
 - likkat, qilaat aamma naqqit
- 10 Igaffik**
- 11 Perusersartarfik/uffarfik**
 - 1 Atortulersuutit
- 12 Siunnersuutitsialaat**
- 14 Normut links-illu pisariaqartitat**

Tikilluarit

Angerlarsimaffittaarninni pilluarit, aammalu Illuutileqatigiiffik Illuut A/S-imut attartortunngorninni tikilluarit. Angerlarsimasutut misigisinnaaniassagavit atugassarititaasut pitsaanerpaat pilersikkusup-pavut.

Kiffartuussinitta pitsaanerpaanissaa, aammalu uatsinnik atorfissaqartitsileraangavit ammasumik tikikkuminarlutalu pissuteqarnis-sarput anguniagaqarpugut.

Akerlianik aamma illit akisussaaffimmik tigusinissat, inissiamillu uatsinnik attartukkannik paarsilluarnissat, aammalu soorunami torersaarnissamut maleruagassanik atuuttunik malinninnissat naatsorsuutigaarput.

Naqitaq manna inissiaq najukkat pillugu siunnersuutininik pitsaasu-nik paasissutissanillu imaqarpoq, tamatumalu saniatigut paasis-sutissanik amerlanerusunik Agerskov Consulting-imi, inissiaatit-sinnik aqutsisuusumi nassaarsinnaavutit. Attaveqarfissanut paa-sissutissat naqitap naggataani nassaarisinnaavutit.

*Inussiarnersumik inuulluaqqusilluta
Illuutileqatigiiffik Illuut A/S*



Sumiiffiit ataatsimoorussat

Majuartarfeqarfiit, torsuusat aammalu silami illullu iluani sumiiffiit ataatsimoorussat inissiat qanoq ittuunerinik najugaqartunut pu-laartunullu malugititseqqaartarput. Taamaattumik torersaartinneqartussaapput, aammalu sikkilit, aneerussiviit, kiilkit assigisaallu sumiiffinnut inissiffissaannut ilineqartussaapput. Sumiiffinni ataatsimoorussani pujortarneq innermillu ikumatitsineq inerteqqutaavoq. Aamma ikkat qisuillu titartaaffiginissaat, qalipaaffiginissaat kigartornissaalluunniit inerteqqutaavoq.

Illit sanilissilu isumannaatsuunissarsi toqqissisimanissarsilu eqqarsaatigalugit isaarissat, elevatorit sikkilinullu inissiisarfusinnaasut videokkut alapernaarsorneqarput.



Inissiani nipiliorneq

Nal. 8.00 aamma 19.00 akornanni qillerutinik sakkunilluunniit nipiliorneq allanik atuisinnaavutit. Soorunami aamma sanilinnut akornutaanngippata radio, tv nipilersuutillu ikumatissinnaavutit. Sanilitit allalluunniit akornusersorneqarsinnaasut akuersimappata nipiliorfusumik nuannattoqarsinnaavoq.

Nal. 21 tungaanut errorsivik panersiivillu atorsinnaavutit.

Biilit innaallagiamoortut

Biilit unittarfiini immikkut ittuni biilnut immiisarfeqarpoq, najugaqartut innaallagiamoortunik biililit biiliminnik immiiffiginnaasaannik. Aallaqqaammut biilit unittarfii taakku Tuapannguanut, Igmamut aamma Suloraq 15-imut inissinneqarput.




Uumasuutit

Inissiaruarni qimmimik (kisiannili sulinermut atatillugu ikiortimillu qimeqartoqarsinnaavoq) imaluunniit qitsummik uumasuteqartoqaqqusaanngilaq, kisiannili assersuutigalugu timmiaateqarsinnaavutit aalisaqateqarsinnaallutilluunniit.

Allagartalersuineq

Matunut allagartat saniatigut allagartanik allanik ikkussiniaruit, aqutsisumiit allakkatigut akuersissummik pissarsissaatit.




Eqqakkat

Eqqakkanut nakkartitsiviit containerilluunniit atukkit, kisiannili eqqakkavit iginnginnerini pappiaqqamut puusiamulluunniit poortorluassavatit.

Qiviuusat, tamponit assigisaallu eqqaavimmut iginneqassapput, perusersartarfimmut iginneqaratik.

Eqqakkat angisuut nammineerlutit ikuallaavimmut tunniutissavatit.



TV

Illuut-miit inissiani tamani tv-kkut aallakaatitanik tiguisinnaanis-saq isumagineqarpoq, aammalu illit tuniniaasutullu toqqakkavit namminneerlusi boximik atortunilluunniit pisariaqartunik allanik ikkussissanerlusi aalajangissavarsi.

Antennit

Silami antennilissaguit aqutsisoq akuersiteqqaassavat.

Pequusivik

Pequusiviit atunngikkaluarukkuluunniit paarnaaqqatissavat. Imerpalasunik ikuallajasunik, soorlu benziinanik, terpentinanik, lakkinik assigisaanilluunniit pequusivimmiititaqassanngilatit. Pequusivinnit tillinniartoqassappat, illit nammineerlutit akisusaaffigissavat.



Meeqqanut isumannaarutit

Meeqqatit isumannaallisaaffiginarlugit igalaat altanillu matui tamarmik isumannaarusigaapput. Isumannaarutit amigaate-qartoqarpat, aqutsisoq erngerluni attaveqarfigineqassaaq.

Paarnaarsaatit

Illuut-ip inissiarsuaatai tamarmik paarnaarsaatit Salto-nik elektroniskiusunik peqarput. Taakku inissianut isaarissanut, matunut silarlernut, pequusivinnut sikkiliisivinnullu atortuupput. Iserterninni matuersaatit brikiniq sisamanik tunineqassaatit, matuersaatillu brikit taakku matunut pisariaqartitannut tamanut atorsinnaapput.

Anisimallutit ilinnut mattuttuussagaluaruit aqutsisup allaffianukarlutit matuersaammik nutaamik pisisinnaavutit. Piffissap ammaffiusup nalinginnaasup avataaniippat, matuersaaserfilerisumut attaveqarfigineqassaaq illit nammineerlutit akisussaaffigissavat, tamannalu

34 35 40-mut sianerlutit pisinnaavoq, tassannganniillu nuunneqassaatit.




Igalaat aamma matut

Ullut tamaasa radiatorit qamillugit silaannarissaallu arit. Igalasserfinni ventiileqarpat taakku atorsinnaavatit.

Piffissani issiffiusuni igalaat teqeqqi allit masassinnaammata, allarterisarnissat pisariaqarsinnaavoq. Ukiumut ataasiarlutit igalaat altanillu matuisa ussissaataat silikonimik aqilisinniarlugit tanittassavatit. Ussissaatit taakku aamma apummut sermimullu illersorneqartariaqarput.

Sakkortuumik anorlertillugu igalaat matullu matoqqatittakkit.



likkat, qilaat aamma naqqit

Qallitit lakkillit eqqiarnerini qaqsaaq kimikitsoq svampilu qituttoq atorineqassapput, imermillu mingoqanngitsumik kissartumik kingunerneqassallutik. Natermik asaanermi qaqsaaq naleqquttoq atorineqassaaq, aammalu skuut aluisa nuunneri assigisaallu renebenziina terpeniinaluunniit atorlugu piarneqassapput. Kumiinermut atortut pequtit qaavinut aqitsunut atorineqassanngillat.

Issiaviit nerriviillu niuluisa atai illersuuserlugit naqqit kigarnaveersaartinneqassapput.



Igaffik

Ullormoortumik eqqiaasarnermi imeq atorneqartassaaq – orsupalitto-qarnerani – erruinermut qaqorsaasilaarlugu. Simernernut peeruminaat-sunut imeq klorinilerlugu atorneqarsinnaavoq. Aamma eqqaamallugu, kogepladit uulliivillu eqqartassagakkit.

Errorfik savimineq kumiinermut qaqorsaammik eqqiarneqarsinnaavoq, kisiannili kumiinermut qaqorsaasikaaviup matuinut, nerriviusap qaavanut iffiorfiullu pladitaanut atorneqassanngilaq.

Erruivimmik maskiinamik ikkussititsissaguit nerriviusap pladitaata ataaticigut aalamut illersuummik ikkussissaatit.

Sakkunik atuinak kuuffiup katersuivia isaterlugu salissinnaavat. Kuuffiit akuttunngitsumik misissortakkit, millittuussagaluaruillu imeq kissartooq qaqorsaatilek, kuuffimmu saligut imaluunniit immaqa millugussissut atorsinnaavatit.

Igaffiup milluaasuata filteria qaammammut ataasiarluni salinneqartariaqarpoq, ukiumullu marloriarlutit milluaasoq eqqartassavat, ilua erruummik imermut qaqorsaatilemmut misutaq siggorlugu allarterlugu.

Milluaasup pæria qulliup igalaartaata saani aalajangiutit qasullugit taarsersinnaavat. Nerisassatit milluaasup ataani kukullugit siassanngilatit, ikuallattoorsinnaagavit.

Perusuersartarfik/ uffarfik

Eqqiaanermut qaqorsaasalmiakitalik nalinginnaasoq atoruk, imermik kinguneruk aammalu annoraaminermik panertumik allarteruk.

Ikkap marrartai qillerlugit putussanngilatit, tunuani isugutammut illersuuteqarmata.

Uffareermermi nutsat, pappiaqqat sinnikui il.il. tamarmik piarneqassapput, aammalu qaammammut ataasiarluni kuuffiup ristia qinneriarlugu peerlugu kuuffiup katersuivia salinneqartariaqarpoq.



Atortulersuutit

Angerlarsimaffiit ungasianiit kiassagaavoq imaluunniit innaallagissamik kiassagaavoq, kissassuserlu radiatorikkut iluarsisinnaavat.

Aamma naqqup kissassusia iluarsisinnaavat, kissassut-sillu akunnattuunissaa anguniarlugu taassuma 2-3-mut inissinnissaa inassutigaarput.

Qatserutip slangitaa ukiumut arlaleriarlugu misilittaruk, eqqaamallugu naammassiguit kuuffiup ammartaatai marluusut qamissagakkit.

Inissiamut silaannarissaat qameqqusaanngilaq, iluar-seqqusaanngilaq mileqqusaananiluunniit, taamaappat aamma sanilivit inaata silaannaa sunnissagakku.

Atuinerit www.nukissiorfiit.gl aqqutigalugu malinnaaffigisinnaavat, kiisalu www.sullissivik.gl aqqutigalugu NemID atorlugu atuisunngornerit nalunaarutigisinnaallugu.



Sanasumik aggersaasarneq

Piffissap suliffiusup avataani ikiortariaqaruit 343540-mut sianersinnaavutit. Oqarasuaat pigaartumit akineqartarpoq, taassumalu sanasut pisariaqartinneqartut inniminnertarpai.

Sanasumik aggersaaneq piffissap nalinginnaasup avataani pisarmat nalinginnaasumit akisunerulaartarpoq, taamaattumillu pisariaqavitsillugu aatsaat pisariaqarluni.

Attartortitsisup tassanngaannartumik imermik ajoqusernerit, innaallagiarunnerit assigisaallu akilertarpai, pissutsinulli allanut tunngasut illit nammineerlutit akilertariaqarsinnaavatit.

Siunnersuutitsialaat

- Inissiami ullut tamaasa silaannarissaasarit
- Atisat silamut manisakkit
- Igatillutit iggaviup milluaasua ikumatittaruk
- Igaffimmi uffarfimmilu kuuffiit akuttunngitsumik salittakkit
- Inissiami natit iikkallu aserfallatsaaliorneqartariaqarpata aqutsisoq attaveqarfigiuk
- Kiassaatiq ikumaannalertarfiisa aallartinneranni silaannarissaalluarterit

- Uffaraangavit uffarfiup matua matoqqatittaruk
- Silaannarissaatit milissanngilatit
- Peerit suut angerlarsimaffinni atortarnerlugit allakkit. Taakku taarserneri nammineq akilerneqartussaapput.
- Bussit angalaartarneri www.bus.gl aqquqigalugu takusinnaavatit

Normut links-illu pisariaqartitat



Aqutsisoq Agerskov Consulting **34 35 40**
adm@agerskov.gl **www.agerskov.gl**

Ikuallattoornermi qatserisartoqarfik	113
Politiit	70 14 48
Ambulancit	34 41 12
Nakorsiartarfik	34 44 00
Nakorsap oqarasuaataa	80 11 11

